

Ժողովուրդ

173
(2653)

1 դեկտեմբերի հինգշաբթի 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 145



«Սահմանադրական բարեփոխումների խորհուրդը որոշում է կայացրել, որ կառավարման մոդելի փոփոխություն չի արվելու, նախագահական կամ կիսանախագահական անցում չի լինելու, պետական կառավարումը մնալու է խորհրդարանական»,- երեկ հայտնել է խորհրդի անդամ, «Իրազեկ քաղաքացիների միավորում» ՀԿ համակարգող Դանիել Իոաննիսյանը: Ընդ որում՝ հանձնաժողովում ոչ բոլորն են համակարծիք եղել համակարգ չփոխելուն: 2019 թվականի մարտին նաեւ ՀՀ վարչապետ Նիկոլ Փաշինյանն էր ասել, թե կառավարման նախագահական համակարգին վերադառնալու անհրաժեշտություն չկա: Կառավարման համակարգի վերաբերյալ վարչապետի մոտեցումները լուրջ էվոլյուցիա են ապրել եւ փոփոխությունների են ենթարկվել: Փաստացի Նիկոլ Փաշինյանը դեմ էր սուպերվարչապետական համակարգին, քանի դեռ ինքը չէր վարչապետ: Վարչապետ դառնալուց հետո Փաշինյանը հայտարարեց, որ պետական կառավարման համակարգում պետք է բալանսավորում տեղի ունենա, որը, սակայն, մեկ օրում չի լինելու: «Երբ մենք խորհրդարանական կառավարմամբ համակարգ ենք ստեղծել, բալանսավորում եղել է: Այսօրվա մեր Սահմանադրությամբ ՀՀ նախագահն ունի արարողակարգային գործառնություններ, եւ բալանսավորումը պետք է տեղի ունենա ոչ թե նախագահի ու վարչապետի միջեւ, այլ կառավարության եւ Ազգային ժողովի միջեւ: Սա է խորհրդարանական համակարգի տրամաբանությունը»: Այնուհետեւ՝ խորհրդարանական ընտրություններին ընդառաջ, Փաշինյանը հայտարարեց, որ եթե ժողովուրդը ցանկանա, ապա պետական կառավարման կարգը կփոխվի: Այժմ ժողովրդի ցանկությանը Փաշինյանը չի ցանկանում ակնաջալուր լինել եւ հայտարարում է, որ, իր կարծիքով, նման անհրաժեշտություն չկա: Հիմա էլ արդեն իր խոսքերն ամրագրվում են փոփոխություններով, այսինքն՝ նա կրկին մանիպուլացրել է, եւ հայտարարություններն իրար չեն համապատասխանում:

Նոյեմբերի 23-ին, երբ ՌԴ նախագահ Վլադիմիր Պուտինը Հայաստանում էր, Արցախի Հանրապետության նախագահ Արայիկ Զարուբյանը հանդիպել է նրան. այս մասին հայտնում են «Ժողովուրդ» օրաթերթի իրազեկ աղբյուրները: Հանդիպումը կայացել է «Ղվին» հյուրանոցում: Սա նշանակում է, որ Ռուսաստանի Ղազնուքյանը Վլադիմիր Պուտինի մակարդակով, Արայիկ Զարուբյանյանին է ընկալում որպես Արցախի առաջնորդ եւ նրան վստահում, թեեւ Արցախն ունի նոր պետնախարար՝ ի դեմս Ռուբեն Վարդանյանի: Հանդիպումը, մեր տեղեկություններով, կայացել է Վլադիմիր Պուտին-Արայիկ Զարուբյանյան ձեռագրով: «Ժողովուրդ» օրաթերթն իր այս տեղեկությունը ճշտելու եւ հավելյալ մանրամասներ պարզելու համար դիմեց Արցախի նախագահի նստավայր, որտեղից կտրուկ հերքեցին հանդիպման լուրը: «Արցախի նախագահն այդ օրերին եղել է Արցախում, ձեր լուրը իրականությանը չի համապատասխանում, նման հանդիպում չի եղել»,- ասացին Արցախի Հանրապետության նախագահի նստավայրից:



Բարձրագույն դատական խորհրդի նախագահ Կարեն Անդրեասյանը հաջորդ տարվանից կստանա ամսական 665.600 ՀՀ դրամի չափով հավելավճար, իսկ խորհրդի անդամը՝ 499.200 ՀՀ դրամ: «Ժողովուրդ» օրաթերթը տեղեկացավ, որ ՀՀ արդարադատության նախարարությունն առաջարկում է փոփոխություններ կատարել «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» օրենքում, որի արդյունքում Բարձրագույն դատական խորհրդի նախագահի եւ 9 անդամի մասով հավելումների ընդհանուր գումարը կազմելու է 61.900.800 ՀՀ դրամ (53.913.600+7.987.200) մեկ տարվա կտրվածքով: Նախագիծը կքննարկվի այսօր կառավարության նիստում: Նկատենք՝ Կարեն Անդրեասյանը ԲԴԽ նախագահ է դարձել այս տարվա հոկտեմբերի 7-ին, այսինքն՝ նրան հավելավճար տրամադրելու մասին նախագիծը բերվում է իր նշանակումից դեռ երկու ամիս չանցած, եւ ավելին՝ համարվում անհետաձգելի: Հիմնավորման մեջ նշվում է, թե նախագծի նպատակը նույն իրավունքներ սահմանելն է, ինչ Վճռաբեկ դատարանի դատավորների դեպքում, ինչը օրենքի պահանջ է, սակայն նկատենք, որ Արդարադատության նախարարությունը այդ մասին հիշեց միայն հիմա, երբ ԲԴԽ նախագահն արդեն նախկին նախարար, գործող ԺՊ-ի ընկեր Կարեն Անդրեասյանն է, իսկ նախկին փոխնախարար Երանուհի Թումանյանն է՝ ԲԴԽ անդամ: Ստացվում է՝ նախկին նախարարի դեկավարած կառույցը նոր նախագիծ է բերել՝ նախկին ղեկավարին ամսական 665 հազար դրամ հավելավճար տրամադրելու մասին:



«Ժողովուրդ» օրաթերթի տեղեկությունների համաձայն՝ Կոռուպցիայի կանխարգելման հանձնաժողովը վարույթներ է հարուցել Ազգային ժողովի ԲՊ-ական, ինչպես նաեւ «Հայաստան» խմբակցության մի քանի պատգամավորների նկատմամբ՝ «անհամատեղելիության պահանջի առերեսությամբ խախտման» հիմքով: Տեղեկացանք, որ պատգամավորներն արդեն ստացել են հանձնաժողովի ծանուցումները, որ իրենց դեմ վարույթ կա: Հայաստանի Հանրապետությունում պատգամավորի մանդատի հետ անհամատեղելիության պահանջը, այդ թվում՝ ձեռնարկատիրական գործունեությամբ զբաղվելու արգելքը սահմանված է ՀՀ Սահմանադրությամբ: Ստացվում է, որ հանձնաժողովը պատգամավորների գործունեության մասով խախտում է գտել (նրանք նաեւ բիզնես գործունեությամբ են զբաղվում), ինչը անհամատեղելի է: Իսկ ովքեր են այն պատգամավորները, որոնց նկատմամբ հանձնաժողովը վարույթ է հարուցել: «Ժողովուրդ» օրաթերթը տեղեկացավ, որ 107 պատգամավորի հայտարարագրերը ուսումնասիրվում են, եւ չի բացառվում, որ ցանկը այսքանով չավարտվի, այլ պատգամավորների մասով եւս խախտումներ հայտնաբերվեն: Իսկ ի՞նչ է սպասվում վարույթից հետո. հնարավորություն է ստեղծվում, որ պատգամավորը ներկայացնի իր պարզաբանումը, որից հետո հանձնաժողովը եզրակացություն է կազմում ու հաստատում, որ իսկապես խախտել է համատեղելիության օրենսդրական պահանջը, սահմանադրական պահանջը. դա կնշանակի, որ առնվազն պետք է զրկվի մանդատից, իսկ առավելագույն պարագայում կարող է հարուցվել նաեւ քրեական գործ:



ԻՐԱՎԻՃԱԿ

ՆԱԽԱԳԻԾ

ՎԱՐԵ ՀԱԿՈՒՅԱՆԻ ԳՈՐԾԱՐՔԸ ԲՊ-Ի ՀԵՏ

ՀԱՆԳԻՊՈՒՄՆԵՐԻ ԸՄՔ

Այս շաբաթվա վերջին օրերին Հայաստանի դատական համակարգի ներկայացուցիչները էլի կհավաքվեն Դիլիջանում: «Ժողովուրդ» օրաթերթը տեղեկացավ, որ ՀՀ բարձրագույն դատական խորհրդի նախագահ Կարեն Անդրեասյանը հանդիպումների շարք է սկսել դատավորների հետ՝ քննարկելու համակարգում առկա խնդիրները: Տեղեկացանք, որ նախորդ շաբաթ կայացած քննարկումներին քրեական պալատի մի շարք ըմբոստ դատավորներ ներկա չեն եղել: Չնայած դրան՝ Կարեն Անդրեասյանը հստակ օրակարգով է առաջնորդվել՝ հնարավորություն չտալով քրեական դատարանի դատավորներին իրենց իրական ասելիքները փոխանցել բարձրագույն խորհրդին: «Ժողովուրդ» օրաթերթը տեղեկացավ, որ այս ուրբաթ օրվանից դարձյալ Դիլիջանում կհավաքվեն արդեն վարչական, քաղաքացիական ու սնանկության գործերով դատարանների դատավորները: Բավականին թե՛ քննարկում է սպասվում նաև այս պալատի ներկայացուցիչների հետ, քանի որ դատավորները աշխատում են գերծանրաբեռնված ռեժիմով: Վերջերս ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանի հրավիրած աշխատանքային քննարկման ժամանակ հրավիրյալ 11 դատավորները մի քանի ժամ շարունակ ներկայացրեցին համակարգի խնդիրները՝ դժգոհելով, որ շատ դեպքերում դատավորները ոչ թե արդարադատություն են իրականացնում, այլ գործավարություն: Դժվար է ասել՝ Կարեն Անդրեասյանը կլսի արդյոք դատավորների բոլոր խոսքերը՝ համակարգի խնդիրների վերաբերյալ, թե էլի կիրառվի նախապես իր կողմից գրված օրակարգային հարցերից դուրս խնդիրների բարձրաձայնումից, այլ կերպ ասած՝ Անդրեասյանը հրավիրում է դատավորներին՝ լսելու, սակայն չի լսում:


ՆՈՐ ՊԱՇՏՈՆ

«Քաղաքացիական պայմանագիր» խմբակցության պատգամավոր Արուսյակ Մանավազյանը նշանակվել է «Քաղաքացիական պայմանագիր» կուսակցության աշխատակազմի ղեկավար: Առաջին հայացքից ոչ արտասովոր այս տեղեկությունն այնքանով է հետաքրքիր, որ այն հաստատում է «Ժողովուրդ» օրաթերթի՝ օրեր առաջ հրապարակած տեղեկությունը: Օրաթերթը, մասնավորապես, գրել էր. «Իշխող «Քաղաքացիական պայմանագիր» կուսակցությունում դիրքային փոփոխություններ են տեղի ունենում: ՀՀ վարչապետ Նիկոլ Փաշինյանը վերանայում է կուսակցության ներսում իր սիրելիների ու հավատարիմների ցանկը»: Եվ այժմ Մանավազյանի՝ կուսակցությունում պաշտոնի նշանակվելն ու հավելյալ լիազորություններ տրամադրելը վերոնշյալի ապացույցն է: Մանավազյանի ու Փաշինյանի ընտանիքի մտերմությունը տարիների պատմություն ունի: Պատգամավորը, նշենք, 2008-2019-ին «Հայկական ժամանակ» օրաթերթը տպագրող «Դարեսկիզբ» ՍՊԸ-ի հաշվապահն է եղել, 2019-2021-ին՝ նույն ՍՊԸ-ի տնօրենը, հետևաբար «հին ընկերներին» կամ յուրաքանչյուրի ավելի մեծ լիազորություններ տալը ոչ այլ ինչ է, քան սեփական թիմում սիրելիների ցանկի վերանայում:

Ազգային ժողովի «Քաղաքացիական դաշմանակներ Վիլեն Գաբրիելյանը, Անդրանիկ Բոչարյանը, Արմեն Խաչատրյանն ու Բրիտանիա Վարդանյանը հանդես են եկել «Ռազմական գործունեության մասին» անվամբ օրենքի նախագծով, որը ենթադրում է փոփոխություններ նաև «Պաշտպանության մասին» ՀՀ օրենքում:

Այս օրենքի նախագծով հստակեցվելու է, թե որ հասարակական միավորումները կարող են զբաղվել ռազմական գործունեությամբ, հիմնական նպատակները, սկզբունքները, ռազմամարզական կազմակերպությունների եւ ռազմամարզական կազմակերպությունների միության ստեղծման, գործունեության հիմնական ուղղությունների, դրանց կառավարման եւ ղեկավարման մարմինների իրավասությունների եւ լիազորությունների իրականացման, Հայաստանի Հանրապետության, օտարերկրյա եւ միջազգային մարմինների եւ կազմակերպությունների հետ դրանց փոխգործակցության եւ փոխհամագործակցության հետ կապված հարցերը: Հիմնավորումն մեջ նշվում է, որ, 2014 թվականից սկսած, Հայաստանի Հանրապետությունը սկսել է ձեռավորվել հասարակական միավորումներ, որոնք միավորել են անձանց, որոնք հետաքրքրված են ձեռք բերել ինքնապաշտպանության, ֆիզիկական, կրակային եւ մարտավարական հմտություններ, այդ համատեքստում զբաղվել սպորտային մարզաձեւերով, ամրապնդել ֆիզիկական եւ հոգեբանական առողջությունը, բարձրացնել դիմակայունությունը, գոյատևել արտակարգ պայմաններում, ցուցաբերել առաջին բուժօգնություն՝ ուսումնասիրելով նաև լեռնազննարկություն եւ հոգեբանություն:

2016 թվականի ապրիլյան եւ 2020 թվականի 44-օրյա պատերազմի ընթացքում պաշտպանական գործողություններին ակտիվ մասնակցություն ունեցան այնպիսի կամավորներ, որոնք պատրաստություն էին անցել «Ողջ մնալու արվեստ», «Մեծն Տիգրան», «Զարկ», «ՊՈՒ



ԳՎ» եւ այլ հասարակական կազմակերպություններում եւ ցուցաբերեցին մարտավարական, հոգեբանական եւ կարգապահական բարձր որակներ: Նշվում է, թե մի կողմից նմանատիպ միավորումների անդամները փաստացի օրենքով սահմանված ունեն զենքի, կրակային, մարտավարական հմտություններ, պատրաստում են ռազմական, հոգեբանական, բժշկական գործի կամավորներ, որոնք, պատերազմական, արտակարգ եւ ճգնաժամային իրավիճակներում փոխգործակցելով Հայաստանի Հանրապետության պաշտպանության նախարարության եւ այլ ուժային կառույցների հետ, փաստացի գործելով դրանց ենթակայության ներ-

քո, ցույց են տալիս բարձր արդյունավետություն: Մյուս կողմից՝ 21-րդ դարի անվտանգության միջավայրում, ինչպես ցույց տվեց 44-օրյա պատերազմը, միայն պետական կառույցները, որոնք պատասխանատու են պաշտպանության եւ անվտանգության համար, ի վիճակի չեն ամբողջապես պատրաստել, արձագանքել եւ վերականգնել հասարակությունը ճգնաժամից դուրս հանելու եւ անվտանգությունը ապահովելու գործը, դիմակայելու հիբրիդային ռիսկերին, ուստի անհրաժեշտություն է առաջանում օգտագործել ողջ հասարակության ներուժը: ՆԱԽՈՎ ՀՈՎՅԱՆՆԻՍՅԱՆ

ՕՐՎԱ ԽՃԱՆԿԱՐ

ՕԳՆՈՒԹՅՈՒՆ՝ ԱՐՑԱԽԻՆ

Ամերիկայի Հայ դատի հանձնախումբը ԱՄՆ-ի օրենսդիրներին կոչ է անում քննարկվող տարեվերջյան ծախսերի փաթեթում ընդգրկել Արցախին 50 միլիոն դոլարի օգնության փաթեթը:

Մենատի արտաքին հարաբերությունների հանձնաժողովի նախագահ Բոբ Մենենդեսին հասցեագրված նամակում Ամերիկայի Հայ դատի հանձնախմբի նախագահ Ռաֆֆի Համբարյանը ամերիկահայ համայնքի եւ կոալիցիոն գործընկերների անունից շնորհակալություն է հայտնել նրան Կովկասում ԱՄՆ քաղաքականության վերաբերյալ վերջին լսումների համար:

Լսումների ընթացքում Բոբ Մենենդեսն անընդունելի էր անվանել Վաշինգտոնի ռազմական աջակցությունն Արցախին եւ արցախահայերին օգնություն չուղարկելը:

Մեայտեմբերին կոնգրեսական Փալոնը եւ Նեադայի կոնգրեսական Դինա Տիտուսը Կոնգրեսի ավելի քան 45 անդամների աջակցությամբ դիմել էին ԱՄՆ պետքարտուղար Էնթոնի Բլինքենին եւ ԱՄՆ Միջազգային զարգացման գործակալության

(USAID) ադմինիստրատոր Սամանթա Փաուերին՝ կոչ անելով «անհապաղ քայլեր ձեռնարկել՝ հատկացնելով զգալի ռեսուրսներ» վտանգի տակ գտնվող Արցախի հայ բնակչությանն աջակցելու համար:

ԽԱՂԱՂԱՊԱՐՆԵՐԸ ԶԳՈՒՇԱՑՎԵԼ ԵՆ

Ադրբեջանի ԶՈՒ-ն Նոյեմբերի 29-ին շփման գծի արեւելյան եւ հյուսիս-արեւելյան ուղղությամբ խախտել է հրադադարը՝ կիրառելով հրաձգային զինատեսակներ: Հայկական կողմը կորուստներ չունի:

Հրադադարի խախտման մասին հաղորդվել է ՌԴ խաղաղապահ զորակազմի հրամանատարությանը:

Միեւնույն ժամանակ Ադրբեջանի ՊՆ տարածած հաղորդագրությունն այն մասին, թե, իբր, ՊԲ ստորաբաժանումները Նոյեմբերի 29-ին՝ ժամը 18:10-ի սահմաններում, կրակ են բացել Արցախի Հանրապետության Ասկերանի շրջանի օկուպացված տարածքներում տեղակայված արդրբեջանական դիրքերի ուղղությամբ, հերթական ապատեղեկատվությունն է:

Նոյեմբերի 30-ի ժամը 10:00-ի դրությամբ իրադրությունը շփման գծում հարաբերականորեն կայուն է:

ԱՇԽԱՏԱՆՔԱՅԻՆ ԱՅՑ՝ ԼԵՐԱՏԱՆ

ՀՀ ԱԳՆ մամուլի խոսնակ Վահան Հունանյանը հայտնում է. «Նոյեմբերի 30-ից դեկտեմբերի 2-ը ՀՀ ԱԳ նախարար Արարատ Միրզոյանի աշխատանքային այց կկատարի Լեհաստանի Լոժ քաղաք՝ մասնակցելու ԵԱԶԿ նախարարական 29-րդ համաժողովին:

Այցի շրջանակներում տեղի կունենան նաև մի շարք երկկողմ հանդիպումներ»:

Դեսպանը՝ Հայաստանում ՀՀ-ում Նիդերլանդների դեսպան Նիկո Սխերմերսը սոցցանցի իր էջում գրում է. «Ուրախ եմ վերադառնալ հայկական Զերմուկ, այս անգամ՝ Նիդերլանդների ԱԳՆ գործընկերոջ՝ Զեթսկե Մարիա Կլայնի հետ՝ տարածաշրջանում առկա իրավիճակի մասին տեղեկություններ ստանալու համար:

Հաճելի է հանդիպել այսքան դրական եւ խաղաղ մարդկանց նման դժվարին պայմաններում»:

ՈՍՏԻԿԱՆԱՊԵՏԻ ԴՈՒՍՏՐՈՆ

ՔՐԵԱԿԱՆ ՎԱՐՈՒՅԹ Է ՂԱՐՈՒՑՎԵԼ

Հակակոռուպցիոն կոմիտեում ֆննվող ֆեական վարույթի ընթացքում փաստական փայտեր են ձեռք բերվել այն մասին, որ ոստիկանության նախկին ղեկավար Վ.Գ.-ի դուստր՝ Յ.Գ.-ն, միջոցներ սրամադրելով և խոչընդոտներ վերացնելով, օժանդակել է 2012-2018 թվականներին Կառավարությանն առընթեր ոստիկանության ղեկի սեղակալ-ոստիկանության գործերի հրամանատարի դաստիարակությանը Վ.Ե.-ին, որը, դաստիարակության դիրքն օգտագործելով, 2015-2018 թվականների ընթացքում իրեն վստահված առանձնապես խոշոր չափերով գույք է վասնման եղանակով համբարակել:



2011-2018 թվականներին ոստիկանության պետի պաշտոնը զբաղեցրած Վ.Գ.-ն, 2015 թվականի մարտի 7-ի թիվ 490-Ա հրամանով, իր դատերը՝ Յ.Գ.-ին, նշանակել է ոստիկանության գործերի շտաբի օպերատիվ բաժնի ավագ սպայի պաշտոնին: Այնուհետև, ոստիկանության գործերի հրամանատար Վ.Ե.-ի՝ 2018 թվականի մարտի 16-ի 225-Ա հրամանով Յ.Գ.-ն նշանակվել է ոստիկանության գործերի անձնակազմի հետ տարվող աշխատանքների բաժանմունքի պետի պաշտոնին, և Վ.Գ.-ի՝ 2018 թվականի մարտի 16-ի 23-Ա հրամանով՝ Յ.Գ.-ին շնորհվել է ոստիկանության փոխգնդապետի կոչում, որից երեք օր անց, ոստիկանության գործերի հրամանատար Վ.Ե.-ի՝ 2018 թվականի մարտի 19-ի 248-Ա հրամանով Յ.Գ.-ն կրկին նշանակվել է ոստիկանության գործերի շտաբի օպերատիվ բաժնի ավագ սպայի պաշտոնին, իսկ ոստիկանության պետի՝ 2018 թվականի մայիսի 10-ի 1388-Ա հրամանով, Յ.Գ.-ի կողմից ներկայացված զեկուցագրի հիման վրա՝ վերջինս ազատվել է ոստիկանությունում ծառայությունից: Նշված պաշտոնին նշանակվելուց հետո՝ մինչև պաշտոնավարման դադարեցումը, Յ.Գ.-ն առհասարակ ծառայության չի ներկայացել, ծառայողական պարտականությունները չի կատարել: Լ.Ե.-ն, քաջատեղյակ լինելով Յ.Գ.-ի կողմից ավելի քան երեք տարի՝ 2015 թվականի մարտի 7-ից մինչև 2018 թվականի մայիսի 10-ն ընկած ժամանակահատվածում ծառայողական պարտականություններն անհարգելի պատճառով չկատարելու, սահմանված կարգով ծառայության չներկայանալու մասին, ոչ միայն չի ձեռնարկել կանխարգելիչ միջոցառումներ, այլև իրեն վստահված առանձնապես խոշոր չափերով ուրիշի գույքը վատնման եղանակով համալրելու միասնական դիտարկությանը, պաշտոնական դիրքի օգտագործմամբ, նշված ժամանակահատվածում յուրաքանչյուր ամիս իր ստորագրությամբ հաստատել է ոստիկանության գործերի ամսական ֆինանսավորման հայտերը և ֆինանսների նախարարություն ուղարկված վճարման հանձնարարագրերը, որոնցում ներառված են եղել նաև անհարգելի պատճառներով ծառայության չներկայացած և ծառայողական պարտականությունները չկատարած Յ.Գ.-ի տվյալները: Վերը նշված ժամանակահատվածում Յ.Գ.-ին, որպես աշխատավարձ, պարգևատրումներ, արձակուրդային գումարներ, փաստացի վճարվել է առանձնապես խոշոր չափերի՝ ընդհանուր 8 մլն 838 հազար դրամ, վերջինս էլ աշխատանքի չհաճախելու և ծառայողական պարտականությունները փաստացի չկատարելու պայմաններում ստացել է կանխիկացրել է իրեն որպես աշխատավարձ, պարգևատրումներ, արձակուրդային վճարներ տրամադրված գումարները: Այսպիսով, Յ.Գ.-ն պաշտոնավարման ընթացքում, միջոցներ տրամադրելով և խոչընդոտները վերացնելով, օժանդակել է Լ.Ե.-ին՝ պաշտոնական դիրքն օգտագործելով, վատնման եղանակով պետական միջոցներից առանձնապես խոշոր չափերի՝ ընդհանուր 8 մլն 838 հազար դրամ համալրություն կատարելուն: Վերը նշված հանցանքը կատարելու համար 2022 թվականի նոյեմբերի 30-ին հսկող դատախազի կողմից որոշում է կայացվել Յ.Գ.-ի նկատմամբ արարքի կատարման պահին գործող Քրեական օրենսգրքի 38-179-րդ հոդվածի 3-րդ մասի 1-ին կետով հանրային քրեական հետապնդում հարուցելու մասին: Մեղադրանք ներկայացնելու և խափանման միջոց ընտրելու համար այն ուղարկվել է Հակակոռուպցիոն կոմիտե:

ԼՈՒՐԵՐ

ՆԻՍՏՐ ԿՐԵՒՆ ՀԵՏԱԶԳՎԵԼ Է

ArmLur.am-ի տեղեկություններով՝ ՀՀ պաշտպանության նախկին նախարար Դավիթ Տոնոյանի և մյուս պաշտոնատար անձանց մասով նիստը կրկին չի կայացել, քանի որ Ստեփան Գալստյանի վիճակը շարունակում է մնալ վատ: Գրել էինք, որ Գլխավոր շտաբի պետի տեղակալ Ստեփան Գալստյանի վիճակը Երեւան Կենտրոն քրեակատարողական հիմնարկում կամ բոլորին հայտնի «ԿԳԲ-ի պարվարում» վատացել է, և Նրան տեղափոխել են «Էրեբունի» բժշկական կենտրոն:

Նա այնքան վատ վիճակում է եղել, որ անգամ ի վիճակի չի եղել երեկ գնալ Հակակոռուպցիոն դատարան և մասնակցել նիստի:

Հիշեցնենք, որ Գալստյանը կալանավորվել է ՀՀ ՋՈՒ-երի կարիքների համար ռազմավարքի մատակարարման գործընթացում չարաշահումներ և առանձնապես խոշոր չափերով համալրություններ կատարելու դեպքերի առթիվ քննվող քրեական գործով: Նա մեղադրվում է նյութական ծանր հետևանքներ առաջացնող պաշտոնական դիրքի չարաշահման և պաշտոնատեղական կեղծիք կատարելու համար:

Հիշեցնենք նաև, որ այս գործով կալանքի տակ են ՊՆ նախկին նախարար Դավիթ Տոնոյանը, գլխավոր շտաբի պետի տեղակալ Ստեփան Գալստյանը, ռազմական ավիացիայի նախկին պետ Ավետիք Մուրադյանը, իսկ, ահա, գեներալ-մատրոն Դավիթ Գալստյանը՝ Պատրոն Դավիթը, ազատության մեջ է: Հավելենք, որ Ստեփան Գալստյանն իրեն առաջարկված մեղադրանքը չի ընդունում:

Ք. ՄԱՆՈՒԿՅԱՆ

ՆԱԽԱԶԵՌՆՎԵԼ Է ՔՐԵԱԿԱՆ ՎԱՐՈՒՅԹ

ՀՀ քննչական կոմիտեի գլխավորական քննչական գլխավոր վարչության հինգերորդ կայագորային քննչական բաժնում ՀՀ քրեական օրենսգրքի 44-155-րդ հոդվածի 2-րդ մասի 1-ին և 15-րդ կետերով նախաձեռնվել է քրեական վարույթ՝ Ադրբեջանի զինված ուժերի կողմից մարտական դիրքում հերթապահության ընդգրկված զինծառայողին հրազենային վիրավորում պատճառելու դեպքի առթիվ:

Նախնական տվյալներով՝ 2022թ. նոյեմբերի 29-ին՝ ժամը 17:50-ի սահմաններում, Ադրբեջանի Հանրապետության զինված ուժերի զինծառայողները, ծառայողական պարտքի կատարման հետ կապված, ռասայական, ազգային, էթնիկ ծագումով, կրոնով, ատելության, անհանդուրժողականության կամ թշնամանքի շարժառիթով, ապօրինաբար կյանքից զրկելու դիտարկություններ կրակոց են արձակել արեւելյան ուղղությամբ տեղակայված ՀՀ ՊՆ Ն գործառնախ պահպանության տեղամասում գտնվող մարտական դիրքի ուղղությամբ: Դրա հետևանքով մարտական հերթապահության ընդգրկված զինծառայող Ա.Զ.-ն ստացել է հրազենային զնդակային կույր վիրավորում: Կատարվում է նախաքննություն:

ԼՈՒՐԵՐ

ԵՐԿՈՒ ԾՆՆԳԿԱՆԻ ՄԱՔ

Մեկ շաբաթվա մեջ՝ երկու ծննդկանի մահ: Մահացածների հարազատները դիմել են իրավապահներին և հայտնել, որ դեպքը տեղի է ունեցել բժիշկների պատճառով:

Նոյեմբերի 28-ին «Վերաբարձողական առողջության, պերինատոլոգիայի, մանկաբարձության և գինեկոլոգիայի հանրապետական ինստիտուտ» ՓԲԸ-ում (Հանրապետական ծննդատուն) 21-ամյա ծննդկան է մահացել: 21-ամյա Ծ. Ն.-ն նոյեմբերի 25-ին ընդունվել է Հանրապետական ծննդատուն, որտեղ ծննդաբերությունից հետո շուրջ երկու օր մնացել ու անընդհատ բողբոջել է առողջական վիճակից՝ որովայնի, ոտքերի ցավից:

Դեպքի առթիվ քրեական վարույթ է նախաձեռնվել Քրեական օրենսգրքի 187-րդ

հոդվածի 2-րդ մասով, այսինքն՝ բուժաշխատողի կողմից մասնագիտական պարտականությունները չկատարելը կամ ոչ պատշաճ կատարելը, որն անզուգույթությամբ առաջացրել է մարդու մահ: Քրեական վարույթի շրջանակներում նշանակվել է դատաբժշկական փորձաքննություն: Երեկ էլ հայտնի դարձավ, որ «Շենգավիթ» բժշկական կենտրոնում 33-ամյա ծննդկան է մահացել, և դեպքը տեղի է ունեցել նոյեմբերի 21-ին:

Մահացածի հարազատները են պնդում են, որ կատարվածի մեղավորները բժիշկներն են: Ու մինչ ցավալի դեպքերով նշանակվել են փորձաքննություններ, և քրեական վարույթ է նախաձեռնվել, հարազատներն այս օրերին հարցաքննվում են և իրավապահներին պնդում են, որ բոլոր մեղավորներին պետք է պատժել:

Կպատժվեն մեղավորները, թե ոչ՝ կհետևենք քննության ընթացքին, սակայն իրավիճակի մասով ArmLur.am-ը գրուցեց

և նաև ՀՀ առողջապահության նախարար Անահիտ Ավանեսյանի հետ՝ հասկանալու համար, թե նա՝ որպես նախարար, ինչ է արել այս ուղղությամբ, և արդյոք դեպքերը չեն անհանգստացնում իրեն:

ԻՆՔՆԱՄՊԱՆ Է ԵՂԵԼ

ArmLur.am-ի տեղեկություններով՝ Զանաբեք-Ջեյթունում վարձով բնակվող տղամարդը՝ Ռ. Ավետիսյանը, ինքնասպան է եղել:

ArmLur.am-ին հայտնի դարձավ, որ նա իր տանը խոհանոցի գազի խողովակից սավանով կախվել է:

Թե ինչն է եղել այդ քայլի պատճառը, դեռ են հայտնի չէ. անգամ տղամարդու մտերիներն են զարմացած:

ՔՆՆՈՒ ՄԱՆՈՒԿՅԱՆ

● Ըստ ոստիկանության տվյալների՝ նոյեմբերի 29-ից 30-ը Հայաստանի Հանրապետությունում բացահայտել են հանցագործության 57 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ԼՈՒՐԵՐ

ԻՆՉ ԵՆ ՔՆՆԱՐԿԵԼ ՆԻՍՏՈՒՄ

Իշխող «Քաղաքացիական պայմանագիր» կուսակցությունը նոյեմբերի 29-ին վարչության նիստ էր անում, ինչի ժամանակ, ըստ կուսակցության տարածած հաղորդագրության, ԱԺ համանուն խմբակցության պատգամավորներ Վահագն Ալեքսանյանը՝ զարգացման եւ կապերի, իսկ Գեորգ Պապոյանը՝ տարածքային կազմակերպությունների համակարգման գծով տեղակալներ են նշանակվել: Նման հաղորդագրությամբ ԲԴ-ն փորձել է ցույց տալ, որ ամեն բան կարգին է, ու իրենք միմիայն ներկուսակցական հարցեր են քննարկել: Իրականում, սակայն, վարչության նիստի ժամանակ Նիկոլ Փաշինյանը կուսակիցների մոտ անկեղծացել է, որ իրենց վիճակն անչափ վատ է: ArmLur.am-ի տեղեկություններով վարչապետն ասել է նաեւ, որ պատերազմի սպառնալիքը կախված է մեր երկրի գլխին, ու որ դաշնակից, այնուամենայնիվ, չունենք: Հավելել է նաեւ, որ, այսպես ասած, անտեր վիճակում ենք, քանի որ դաշնակիցները մեզ չեն պահում:

ԳԵՐՇՔԵՂ ԶԱՐԿԱՐԱՆՔ

Այս օրերին Երեւանը տոնական եռուզեռի մեջ է. տոնական զարդարանք ստանալու համար փողոցներ են փակվում, Ամանորի զարդեր ու լույսեր կախվում են այլև, եւ այլև: Տպակորություն է, թե մեր երկրում էլ ոչ մի ուրիշ դարդ ու ցավ չկա, ու պատերազմների պատճառով անդադար կորուստներ ունեցող երկրին հենց միայն գերշքեղ Նոր Տարին է պակասում: Ըստ տարբեր հրապարակումների՝ Երեւանի քաղաքապետարանն Ամանորի զարդարանքների համար արդեն իսկ մոտ 650 հազար ամերիկյան դոլար է ծախսել: Ի դեպ, քաղաքապետարանը դա արել է մեկ անձից գնման սկզբունքով: Եւ սա՛ այն ֆոնին, որ ոչ միայն 2022-ի սեպտեմբերի 13-ի մեկօրյա, այլ նաեւ 2020-ի 44-օրյա պատերազմից առ այսօր դեռ անթաղ մարմիններ ունենք: Հայաստանի տարբեր դիպլոմատներում դեռ չնույնականացված մարմիններ ու մասունքներ կան, հայ գերիները Բաքվի բանտերում շարունակվում են կտտանքների ենթարկվել, մի քանի տասնյակի հասնող անհետ կորածներ կան, իսկ մայրաքաղաքը պատրաստվում է մեծ շուքով Նոր Տարի նշել: Ինչ խոսք, սիրուն չէ:

1 ՄԻԼԻՈՆ ԳՐԱՄ ՀԱՄԱԺՈՂՈՎԻՆ

ArmLur.am-ը տեղեկացավ, թե այս տարվա նոյեմբերի երեքից չորսը ՀՀ-ում անցկացված հայ-դրոկական տնտեսական համագործակցության միջկառավարական հանձնաժողովի առաջին նիստի անցկացման համար որքան գումար է ծախսվել: Մենք տեղեկացանք, որ ծախսերը եղել են 1.160.130 (մեկ միլիոն հարյուր վաթսուց հազար հարյուր երեսուն) դրամի սահմաններում: Վարչապետ Նիկոլ Փաշինյանի հրամանով այն կատարվել է Հայաստանի Հանրապետության 2022 թվականի պետական բյուջեով արտասահմանյան պատվիրակությունների ընդունելության համար նախատեսված միջոցների հաշվին՝ համաձայն Հայաստանի Հանրապետության էկոնոմիկայի նախարարության ներկայացրած հաշվետվության:

ԱՐՁԱԳԱՆՔ

«ՎԵՐԱԾՆՎՈՂ ՀԱՅԱՍՏԱՆ»-Ը ԿԱՇԿԱՆԻՎԱԾ ԷՐ

«Վերածնվող Հայաստան» կուսակցությունը երկ հայտարարեց խորհրդարանում իր գործունեությունը դադարեցնելու մասին:

Կուսակցության անդամ պատգամավորներ Վահե Հակոբյանը, Ելենա Կիրակոսյանը եւ Հռիփսիմե Ստամբուլյանն էլ վայր դրեցին մանդատները:

Թեեւ շատ են խոսում, որ «Վերածնվող Հայաստանի» եւ «Հայաստան» դաշինքի մյուս անդամների մեջ լուրջ տարածայնություններ են եղել, բայց ArmLur.am-ի հետ զրույցում կուսակցության անդամ Հռիփսիմե Ստամբուլյանը վստահեցրեց, որ միակ անհամաձայնությունը եղել է ԱԺ նիստերին մասնակցել-չմասնակցելու հետ կապված: «Թիմակիցների հետ զաղափարների եւ մոտեցումների առումով որեւէ տարածայնություն չի եղել, եղել է պարզապես մոտեցումների տարբերություն՝ խորհրդարան վերադառնալ-չվերադառնալու հետ կապված:

Մենք խորհրդարանից չէինք էլ հեռացել, խորհրդարանական գործունեությամբ շարունակել ենք զբաղվել, բայց ԱԺ նիստերին մասնակցելուն դեմ ենք եղել», - ասաց Ստամբուլյանը՝ հավելելով, որ «Վերածնվող Հայաստան»-ում այս առումով համընդհանուր կոնսենսուս է եղել:

ԱԺ նախկին պատգամավորը վստահեցրեց, որ թեեւ հեռացել են խորհրդարանից, բայց համագործակցությունը «Հայաստան» դաշինքի եւ մյուս բոլոր առողջ ուժերի հետ շարունակվելու է: «Մենք նույն զաղափարներն ու մոտեցումներն ունենք, դրանցում ոչինչ չի փոխվել: Մեր բոլոր թիմակիցները, առհասարակ, Հայաստանի համար անհաստատացող մարդիկ, կարծում են, որ մեր ժողովրդի փրկությունն այս իշխանությունների՝ մեկ օր շուտ հեռացմամբ է պայմանավորված. այս առումով որեւէ տարածայնություն չկա», - ասաց նա:

Մեր զրուցակիցը նաեւ նշեց, որ «Վերածնվող Հայաստան»-ը շարունակելու է իր գործունեությունը խորհրդարանից դուրս որպես ընդդիմադիր ուժ: «Մանդատով, թե առանց մանդատ, մեր մոտեցումները չեն փոխվում», - հավելեց նա:

«Ժողովուրդ» օրաթերթը երեկ գրել էր, որ Վահե Հակոբյանի ու թիմակիցների



խորհրդարանական գործունեությունը դադարեցնելը կոնկրետ նպատակներ ունի: «Զի բացառվում իշխանության հետ համագործակցության արդյունք է մանդատներից հրաժարվելը, այսինքն՝ Վահե Հակոբյանն ունեցվածքը փրկելու ու կալանավորվելու վտանգից ազատվելու համար համաձայնության է եկել Փաշինյանի իշխանության հետ, որ լռելյայն հեռանալու է ԱԺ-ից: Իսկ այն, որ Նիկոլ Փաշինյանի իշխանությունը Վահե Հակոբյանի նկատմամբ ունի տարբերակված մոտեցում, ակնհայտ է»:

ՔՆՆԱՐԿՈՒՄ

ՀԱՄԱԳՈՐԾԱԿՑՈՒԹՅԱՆ ԱՐԴՅՈՒՆԱՎԵՏ ՄՈՒԵԼՆԵՐ

ՀՀ կրթության, գիտության, մշակույթի եւ սպորտի նախարարի ժողովրդական թռչունը է Ասիական զարգացման բանկի (ԱԶԲ) ներկայացուցիչներին:

Ողջունելով հյուրերին՝ նախարարի տեղակալն ընդգծել է, որ ԱԶԲ-ի հետ համագործակցությունը ՀՀ-ում կրթության բարեփոխումների աջակցության շարունակականության ապահովման առումով կարևոր նշանակություն ունի:

Կարեն Թռչունյանը տեղեկացրել է, որ Ազգային ժողովն ընդունել է «Կրթության» մինչեւ 2030 թվականը զարգացման պետական ծրագիրը», որտեղ ամրագրված թիրախային նպատակների իրագործման համար նախատեսվում է մշակել եւ հաս-

տատել մինչեւ 2026 թվականի գործողությունների պլանը: Նախնական եւ միջին մասնագիտական ոլորտում շրջանառության մեջ է դրվել Նոր օրենքի նախագիծը, որում ամրագրվել են աշխատանքի վրա հիմնված ուսուցման մասին դրույթները: Նշված ծրագրերում շեշտադրված է կրթություն-գիտություն-աշխատաշուկա կապի ամրապնդման անհրաժեշտությունը, որը ենթադրում է մասնավոր հատվածի հետ համագործակցություն:

Այս համատեքստում քննարկվել են պետություն-մասնավոր հատված համագործակցության արդյունավետ մոդելների նախագծման գործում ԱԶԲ աջակցության հնարավորությունները:

«Մենք գնահատում ենք ձեր մոտեցումները եւ պատրաստ ենք լավագույն փորձի

կիրառմամբ եւ համագործակցությամբ նախագծել պետություն-մասնավոր հատված ճանապարհային քարտեզ՝ շրջափելի արդյունքներ գրանցելու հստակ նպատակադրմամբ», - ասել է նախարարի տեղակալ Կարեն Թռչունյանը:

Քննարկման ընթացքում նշվել է, որ պետություն-մասնավոր հատված համագործակցության ճանապարհային քարտեզը ենթադրում է ենթակառուցվածքների զարգացման եւ կառավարման, ծառայությունների մատուցման առաջնահարկում, որին միտված են նաեւ կրթության ոլորտի ռազմավարական ծրագրերը:

Կողմերն անդադարձել են նաեւ համագործակցության ընթացիկ եւ նախատեսվող ծրագրերին առնչվող մի շարք աշխատանքային հարցերի:

● Անցած 1 օրվա ընթացքում Հայաստանի Հանրապետությունում արձանագրվել է 11 ճՏՊ. 1 մարդ զոհվել է, 11-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՄԱՐԶ

ԱՆՑԿԱՑՐԵԼ Է ԽՈՐՀՐԳԱՆՑՈՒԹՅՈՒՆ

Տավուշի մարզպետարանից հայտնում են, որ նոյեմբերի 25-ին Տավուշի մարզպետ Յայլ Ղալումյանը խորհրդակցություն է անցկացրել մարզի համայնքների ղեկավարների մասնակցությամբ, որին մասնակցել են նաև մարզպետի տեղակալ Նարեկ Ղուշյանը, մարզպետարանի գլխավոր քարտուղար Արման Գեղորգյանը, մարզպետարանի ստորաբաժանումների ղեկավարները: Ընկերակցել է նոյեմբերի 24-ի դրությամբ մարզի համայնքների 2022 թ.-ի տեղական բյուջեների սեփական եկամուտների կատարողականների հարցը: Մարզպետ Ղալումյանը համայնքների ղեկավարներին առաջարկել է մինչև տարեվերջ հարյուր տոկոսով ապահովել 2022 թ.-ի տեղական բյուջեով նախատեսված սեփական եկամուտների հավաքագրումը: Հունվարին պարզ կլինի, թե մարզպետի այդ առաջարկ-հորդորը որքանով է իրականացել:

ՄԻԱՆՄԱՐԶՊԵՏԱՐԱՆԻ ԿԱՅՔՈՒՄ

Տավուշի մարզպետարանի ինտերնետային պաշտոնական կայքում տեղեկատվություն է գտնելված Տավուշի մարզի 4 խոշոր համայնքների և նրանց ղեկավարների մասին: Այդ կայքում որպես Բերդ խոշորացված համայնքի ղեկավար ներկայացված է 2012թ.-ից Բերդ համայնքը ղեկավարած, 2016-ին այդ պաշտոնում վերընտրված, 2017թ.-ին Բերդ խոշորացված համայնքի ղեկավար ընտրված Հարություն Մանուչյանը: Վերջինիս դեմ հարուցված քրեական գործի շրջանակներում նա 2021թ. նոյեմբերի 9-ից անազատության մեջ էր, 2022թ. հոկտեմբերի 7-ին ազատ արձակվեց, սակայն նոյեմբերի 10-ին իր դեմ հարուցված այլ քրեական գործի շրջանակներում նորից կալանավորվեց: Հ. Մանուչյանի գլխավորած «Զորավոր համայնք» դաշինքը հաղթել է 2022թ. սեպտեմբերի 25-ին կայացած Բերդ համայնքի ավագանու համամասնական կարգով ընտրություններում, սակայն դրանից հետո այդ դաշինքի ավագանու թեկնածուների ցանկի առաջին համար Հ. Մանուչյանը և 2-րդ համար Սամվել Հովսեփյանը ավագանու անդամությունից հրաժարական են տվել: Նոյեմբերի 10-ին համայնքի նորընտիր ավագանին Բերդ համայնքի ղեկավար է ընտրել «Զորավոր համայնք» դաշինքի ավագանիների թեկնածուների ցանկի 3-րդ համար Աստղիկ Հակոբյանին, նոյեմբերի 13-ին կայացել է նրա երդման և պաշտոնի ստանձնման հանդիսավոր արարողությունը: Ա. Հակոբյանի համայնքի ղեկավար ընտրվելուց 20 օր է անցել, սակայն Տավուշի մարզպետարանի կայքում որպես Բերդ համայնքի ղեկավար նշված է Հ. Մանուչյանը: Այդ կայքում Բերդ համայնքի ավագանու 21 անդամներից նշված են միայն 13-ի անուն-ազգանունները: Նորընտիր ավագանու անդամներից Սարգիս Մարգարյանը Հ. Մանուչյանի և Ա. Հովսեփյանի հետ ավագանու թեկնածուներից հրաժարական է տվել, սակայն նրա՝ որպես ավագանու անդամի անունը նշված է մարզպետարանի ինտերնետային կայքում վերոհիշյալ 13-ի թվում:

ՈՍԿԱՆ ՄԱՐԳԱՅԱՆ
Տավուշ

ՊԱՅՄԱՆՆԵՐ ՍՈՎՈՐՈՂՆԵՐԻ ՀԱՄԱՐ

ՏՐԱՆՄՊՈՐՏԱՅԻՆ ԾԱԽՍԸ ԿՓՈՒՂԱՏՈՒՑՎԻ

ՀՀ կրթության, գիտության, մշակույթի և սպորտի նախարարությունը հանրային ֆինանսման է ներկայացրել հանրակրթական դեռակամ ուսումնական հաստատությունների սովորողներին սրահադարձային ծառայությունների դիմաց փոխհատուցման կարգի նախագիծը: Առաջարկվում է վերախմբագրել ՀՀ կրթության, գիտության, մշակույթի և սպորտի նախարարի 2020 թվականի դեկտեմբերի 21-ի «Հանրակրթական դեռակամ ուսումնական հաստատությունների մանկավարժներին և դոկտորանտակ երեխաներին սրահադարձային ծառայությունների դիմաց փոխհատուցման կարգը հաստատելու մասին» N 47-Ն հրամանը՝ համադաստիսանաբար փոխելով նաև անվանումը:



ԿԳՄՍ նախարարությունից ArmLur.am-ին հայտնում են որ հրամանում փոփոխություն կատարելը պայմանավորված է կրթության կառավարման տեղեկատվական համակարգում տրանսպորտային ծառայությունների համար փոխհատուցում ստացող սովորողների մասին տեղեկատվության թվայնացմամբ. այդ նպատակով նոր կարգավորումներ են նախատեսվելու: Ըստ նախագծի հիմնավորման՝ մանկավարժական աշխատողների տրանսպորտային ծառայությունների դիմաց փոխհատուցման վերաբերյալ գործող կարգավորումները հրամանից հանելու անհրաժեշտությունը բխում է «ՀՀ ԿԳՄՍ նախարարության կողմից սահմանված կամ բարձրորակային բնակավայրերի պետական ուսումնական հաստատություններ համապատասխան մասնագետ գործուղելու կարգը սահմանելու մասին» N 40-Ն հրամանի կարգավորումներից, որով սահմանված է մանկավարժների համար տրանսպորտային ծառայությունների փոխհատուցում: Առաջարկվող փոփոխությանը հրամանում առկա կարգավորումները պարզեցվել և հստակեցվել են, որի

արդյունքում վերախմբագրված հրամանով կկարգավորվեն միայն սովորողների տրանսպորտային ծառայությունների դիմաց փոխհատուցման հետ կապված հարաբերությունները, ինչպես նաև կրթության կառավարման տեղեկատվական համակարգում տրանսպորտային ծառայությունների դիմաց փոխհատուցում ստացող անձանց մասին տեղեկատվությունը կթվայնացվի՝ հնարավորինս գերծմալով անճշտություններից: Սովորողներին առաջարկվող փոխհատուցումները կփոխհատուցվի սովորողների տրանսպորտային ծառայությունների ծախսը՝ անկախ հեռավորությունից, եթե աշակերտը, իր փաստացի բնակության վայրում ուսումնական հաստատության բացակայությամբ պայմանավորված կամ առկա հաստատությունում տվյալ կրթական ծրագրի բացակայությամբ պայմանավորված, ուսումը ստանում է այլ բնակավայրի կրթական հաստատությունում: Ամսական փոխհատուցման առավելագույն չափը յուրաքանչյուր սովորողի համար չի կարող գերազանցել 20 հազար 200 ՀՀ դրամը: Ու-

սումնական հաստատությունը մինչև յուրաքանչյուր տարվա հունվարի 20-ը կրթության կառավարման տեղեկատվական համակարգում մուտքագրում է տվյալ տարվա ընթացքում համապատասխան փոխհատուցում ստացող անձանց մասին տեղեկատվություն, իսկ մինչև սեպտեմբերի 20-ը՝ տվյալ տարվա ընթացքում փոխհատուցում ստացող անձանց մասին ճշտված տեղեկատվություն: Միկրոավտոբուսային և ավտոբուսային երթուղի լինելու դեպքում փոխհատուցման գումարը տրվում է համապատասխան երթուղիների համար սահմանված սակագների չափով, միկրոավտոբուսային և ավտոբուսային երթուղիների բացակայության դեպքում՝ յուրաքանչյուր կմ-ի համար 25 ՀՀ դրամ, բայց ոչ պակաս 200 ՀՀ դրամից: Եթե բացակայում է միկրոավտոբուսային կամ ավտոբուսային երթուղին, և տվյալ բնակավայրից տրանսպորտային փոխհատուցման ծառայություններից օգտվող սովորողների թիվը փոքր է չորսից (այսինքն՝ ենթադրաբար, անգամ համատեղ տաքսուց օգտվելու տարբերակն արդյունավետ չի լինի), ապա տրամադրվող փոխհատուցման չափը կկազմի նվազագույնը 1000 ՀՀ դրամ՝ ներկա ստացած յուրաքանչյուր օրվա համար: Այս գումարը հավասար բաժանվում է բոլոր օգտվողներին: Հաշվարկված գումարների շրջանակում (բացառությամբ կարգի 15-րդ կետով սահմանված դպրոցի շենքի հիմնանորոգմանը, վերակառուցմանը կամ նորի կառուցմանը պայմանավորված այլ բնակավայրում տեղակայված դպրոցում ուսումնական գործընթացը կազմակերպելու դեպքերի) կարող են ձեռք բերվել նաև ուղեփոխադրման ծառայություններ՝ պայմանով, որ դրանցից պարտադիր կարգով օգտվեն շահառուները: Քաղաքացիները և շահառու խմբերը նախագծի վերաբերյալ իրենց առաջարկություններն ու դիտողությունները կարող են ներկայացնել մինչև դեկտեմբերի 10-ը:

«Ամերիաբանկ» ՓԲԸ

ՆՈՐ ԳՈՐԾԻՔ՝ AmeriaPhonePOS

«Ամերիաբանկ»-ը գործարկել է անհողում անկանխիկ վճարումների նոր գործիք՝ AmeriaPhonePOS կամ ՀեռաPOS, որը հնարավորություն է սալիս սմարթֆոնը դարձնել POS սերմինալ և սահմալ վճարումներ ցանկացած վայրում հարմար, արագ և հուսալի եղանակով:

Նշենք, որ AmeriaPhonePOS տերմինալները սպասարկում են ինչպես դեբետային, այնպես էլ կրեդիտային «ArCa», «MasterCard», «Visa» և «Mir» քարտատեսակները: Հավելվածն ակտիվացնելու դեպքում գործում է հատուկ առաջարկ՝ անվճար VISA Business քարտ՝ ծառայությունն ակտիվացնող առաջին 100 հաճախորդներին, անվճար սպասարկում մինչև 31/12/2023թ.՝ անկախ AmeriaPhonePOS-ի միջոցով ամսական շրջանառության ծավալից, անվճար Օնլայնբանկինգ իրավաբանական անձանց/ԱԶ-ներին՝ ծառայության գործողության ամբողջ ժամանակահատվածի համար: AmeriaPhonePOS հավելվածն ակտիվացնելու համար անհրաժեշտ է այցելել բանկի ցանկացած մասնաճյուղ էլ լրացնել առեւտրային կետի գրանցման հայտ-պայմանագիրը: Ծառայության ակտիվացումն ու տեխնիկական սպասարկումն անվճար են: Թեեւ հավելվածը վերջերս է գործարկվել, այն արդեն հասցրել է մեծ հետաքրքրություն առաջացնել հաճախորդների մոտ:

«Ամերիաբանկ» ՓԲԸ-ն առաջատար ֆինանսական -տեխնոլոգիական հաստատություն է և ՀՀ տնտեսական ոլորտի առավել նշանակալի դերակատարներից մեկը, որի ակտիվները գերազանցում են 1 տրիլիոն ՀՀ դրամը: «Ամերիաբանկ»-ը ներկայանում է նորարար ու թվային միջավայրով՝ էկոհամակարգով, որը մեկտեղում է ֆինանսական և ոչ ֆինանսական ծառայությունները և հնարավորություն է ընձեռում բոլոր հիմնական ուղղություններով ստանալ հարմարավետ և հնարավորինս արագ ֆինանսավորում: Հաշվի բացումից մինչև քարտի տրամադրման և ֆինանսավորման համար դիմելու ամբողջ ուղին այժմ հնարավոր է անցնել էկոհամարգի առցանց միջավայրում: «Ամերիաբանկ»-ն առաջնորդվում է հաճախորդամետ և բիզնեսի պատասխանատու վարման քաղաքականությամբ՝ թվային, ժամանակակից ու անվտանգ միջավայրում ապահովելով սպասարկման բարձր որակ:

«ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՌԵԿՈՐԴՆԵՐ

ՈՒԺԱՅԻՆ ԵՌԱՄԱՐՏԻ ԱՐԴՅՈՒՆՔՆԵՐԸ

Հայաստանի ուժային եռամսրի հավաքականը Լեհաստանի Շեդեց քաղաքում օրերս մասնակցել է XPC վարկածով փառերիֆինգի աշխարհի գավաթի խաղարկությանն ու 16 ոսկե մեդալ նվաճել: Հայաստանի թիմի կազմում ընդգրկված է եղել 18 մարզիկ՝ դասակներ, երեսասարդներ եւ մեծահասակներ: Մեծահասակների դայֆարում գյուրեցի Արա Խաչատրյանը (90 կգ) աշխարհի ռեկորդով դարձել է գավաթի խաղարկության բացարձակ հաղթող եւ արժանացել ոսկե մեդալի, դասակների դայֆարում էլ գավաթի խաղարկության բացարձակ հաղթող է ճանաչվել Ասոս Պետրոսյանը (90 կգ):



Հայ մարզիկները մրցավայր են մեկնել Հայաստանի ուժային եռամսրի ֆեդերացիայի նախագահ եւ հավաքականի գլխավոր մարզիչ Գագիկ Սարոյանի գլխավորությամբ: Աշխարհի գավաթի խաղարկությանը 15 երկրի շուրջ 600 մարզիկ է մասնակցել ինչպես ուժային եռամսրտ, այնպես էլ սեղմում-պառկած վարժություն:

Մեծահասակների պայքարում գավաթի խաղարկության հաղթող են դարձել եւ Եվրոպայի ռեկորդ սահմանել Գեորգ Ալեքսանյանը (100 կգ), Հայկ Աֆյանը (100 կգ) եւ Մակար Թամրազյանը (67,5 կգ): Պատանիների պայքարում ոսկե մեդալին արժանացել են Արմեն Նիկողոսյանը (56 կգ) եւ Մելիկ Մարտիրոսյանը (60 կգ), որոնք նաեւ Եվրոպայի ռեկորդ են սահմանել: Իրենց քաջային կարգերում հաղթող են ճանաչվել Նաեւ Էդգար Բաղայանը (60 կգ), Նարեկ Թամրազյանը (67,5 կգ), Կամո Եղոյանը (75 կգ), Արտյոմ Սոլոյանը (90 կգ), Գոռ Հովհաննիսյանը (100 կգ), Կարեն Պետրոսյանը (110 կգ), Արտավազդ Առաքելյանը (125 կգ), Արամ Մարգարյանը (125 կգ): Կանանց հաջվարկում աշխարհի քառակի չեմպիոն է դարձել ոստիկանության մայրո ժաննա Շահնազարյանը: Թիմային հաջվարկում Հայաստանի հավաքականն առաջին տեղն է զբաղեցրել:

ԼՈՒՐԵՐ

ԽՈՇՈՐ ԿՈՒԵԿՏԻՎ ՀԱՅՑ

Google-ին հերթական անգամ մեղադրում են իր Play Market հավելվածների խանութի հետ կապված հակամրցակցային պրակտիկայի մեջ: Այս խանութի շրջանակում տեղի ունեցող գործարքների մեծ մասից գանձվում է չափազանց մեծ՝ 30% միջնորդավճար: ԱՄՆ Կալիֆոռնիա նահանգի հյուսիսային օկրուգի դաշնային դատավոր Ջեյմս Դոնատոն վարույթ է ընդունել կոլեկտիվ հայցը, որը կարող է վերաբերել Play Market-ի ավելի քան 21 միլիոն օգտատերերի:

Ինչպես տեղեկացնում է The Register-ը՝ նոր հակամենաշնորհային գործը վերաբերում է ԱՄՆ 12 նահանգներից Play Market-ի օգտատերերին, որոնք 2016 թ. օգոստոսից ի վեր հավելվածներ են գնել հարթակից կամ հավելվածի ներսում գնումներ են արել:

Սպառողները դժգոհում են, որ Google-ը պահպանում է իր մենաշնորհային դիրքը Android հավելվածների ոլորտում, ինչը ընկերությանը հնարավորություն է տալիս բարձրացնել հավելվածների գները՝ դրանց վաճառքից ստանալով 30% միջնորդավճար: Արդյունքում հավելյալ ծախսերի բեռը դրվում է օգտատերերի ուսերին (ոչ թե հավելվածները մշակողների կամ դրանց հեղինակների), որոնք ստիպված են ավելի շատ վճարել հավելվածների համար՝ Google-ի համար եկամուտներ ապահովելով:

Դաշնային դատավոր Ջեյմս Դոնատոն իր որոշմամբ (PDF) դատավարությանը տվել է կոլեկտիվ հայցի կարգավիճակ, եւ այժմ տուժածների թիվը, որոնց Google-ը հնարավոր է՝ ստիպված լինի փոխհատուցում վճարել, կարող է հասնել 21 միլիոնի:

Ինչպես տեղեկացնում Reuters-ը, այս կոլեկտիվ հայցով դատավարությունը կսկսվի հաջորդ տարվա հունիսին:

Թեեւ հաշվի առնելով, որ Google-ի սեփականատեր Alphabet ընկերությունը նախորդ եռամսյակում ավելի քան 16 միլիարդ դոլար է վաստակել, նման տուգանքները կարելի է համարել բիզնես ծախսեր:

ՑԱՆԿԱՆՈՒՄ Է ՔՆԵԼ

Անգլիական «Մանչեսթեր Յունայթեդը» ցանկանում է ձեռք բերել Իսպանիայի հավաքականի հիմնական դարպասապահ, Բիլբաոյի «Աթլետիկի» խաղացող Ունայ Սիմոնին:

25-ամյա ֆուտբոլիստի պայմանագիրը «Աթլետիկի» հետ նախատեսված է մինչեւ 2025թ. հունիս: Բիլբաոյի ակումբը տրանսֆերից ակնկալում է 30-40 միլիոն եվրո:

Ունայ Սիմոնը Լուիս Էնրիկեի գլխավորած թիմի կազմում մասնակցել է աշխարհի առաջնության խմբային փուլի առաջին երկու համադրումներին: Իսպանիան 7:0 հաշվով հաղթել է Կոստա Ռիկային, 1:1 հաշվով ոչ-ոքի խաղացել գերմանացիների հետ:

ՅԵՏԱՊՆՈՒՄ

ՊԱՏՐԱՍՏՎՈՒՄ ԵՆ ԼՈՒԾԱՐԵԼ

Հայցնի կինոռեժիսոր Միեր Մկրչյանն այսօր հայտարարել է, որ Երևանի փոխադաճառի Տիգրան Ավինյանը դատապարտվում է կրճատել իր «Միեր Մկրչյան» քառնոցի գեղարվեստական ղեկավարի հաստիքը:



«Վերջապես լավ տրոբություն հայ թատերական աշխարհի համար. սուրճ խմեցի, բաժակ նայողն ասաց, որ Ավինյանը պատրաստվում է մոտակա ժամանակ լուծարի «Միեր Մկրչյան» թատրոնի գեղարվեստական ղեկավարի հաստիքը, այսինքն՝ ինձ: Բաժակ նայողն ասաց, որ չեն մարտել «Իշխանություն-2» ֆիլմը: Բաժակ նայողը ասաց նաեւ, որ քաղաքապետարանը օգտագործելու է պրիմիտիվ երկբայանի կոմբինացիա:

Իհարկե, իմ կողմից վայնասուն չի լինելու. 50-ն անց մարդ եմ կյանքում ինչ-որ բան արած:

ՀԳ. Գեղարվեստական ֆիլմ նայելուց առաջ մարտողական խմեք,- հայտնել է նա:

Հիշեցնենք, որ ավելի վաղ ArmLur.am-ը գրել էր, որ Միեր Մկրչյանի «Իշխանություն-2» ֆիլմը մեծ աժիոտաժ է առաջացրել իշխանական գործիչների շրջանում:

Ի դեպ, «Իշխանություն-2» ֆիլմի պրեմիերայից մեկ օր անց մեծ աժիոտաժ սկսվեց հանրության շրջանում, անգամ մի քանի քաղաքացիներ փորձեցին բողոքի ակցիա իրականացրել՝ ընդդեմ ֆիլմի:

ԼԻՂԱ ԵՐԻԱԶՈՐՅԱՆ

● Դեկտեմբերի 1-ին Երևանի պետական կամերային թատրոնում տեղի կունենա «Կուլիսներում կամ թատրոնի անատոմիա» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ՏՆՏԵՍԱԿԱՆ

ՀԱՐՑ. Ֆիզիկական անձը փոսային առաքմամբ ներմուծել է ադրանֆներ, որոնց մաքսային արժեքը կազմել է 250000 դրամ: Ի՞նչ չափով մաքսային վճարներ դեֆ է անձը վճարի:
Կոմիտաս Դուկասյան (37 տարեկան)




ՊԱՏԱՍԽԱՆ. «Մաքսային կարգավորման մասին» ՀՀ օրենքի 249-րդ հոդվածի 4-րդ կետի համաձայն՝ Միության անդամ չհանդիսացող պետությունից ֆիզիկական անձանց կողմից միջազգային փոստային կամ սուրհանդակային առաքումներով ՀՀ տարածք ներմուծվող ապրանքների համար վճարվում են միասնական մաքսային վճարներ (բացառությամբ մաքսավճարի) 22.5 տոկոս, եթե մեկ ամսվա ընթացքում Հայաստանի Հանրապետություն ներմուծվող ապրանքների ընդհանուր քաշը չի գերազանցում 30 կիլոգրամը, իսկ մաքսային արժեքը գերազանցում է 200 հազար դրամը, սակայն չի գերազանցում 1000 եվրոյին համարժեք ՀՀ դրամը: Ուղի դրում՝ սահմանված միասնական դրույքաչափերով մաքսային վճարները հաշվարկվում են ֆիզիկական անձանց կողմից ներմուծվող ապրանքների մաքսային արժեքի եւ սույն մասի 1-ին կետով սահմանված մաքսային արժեքի (200 հազար դրամ) դրական տարբերության նկատմամբ:

ՀՀ պետական եկամուտների կոմիտե

«ԺՈՂՈՎՈՒՐԳ». Միության մաքսային սահմանով ներմուծվող ապրանքների մաքսային արժեքը որոշվում է «Մաքսային միության մաքսային սահմանով տեղափոխվող ապրանքների մաքսային արժեքը որոշելու մասին» 2008 թվականի հունվարի 25-ի համաձայնագրին համապատասխան, եւ Մաքսային միության Մաքսային օրենսգրքի 183-րդ հոդվածի համաձայն՝ մաքսային հայտարարագիր ներկայացնելուն զուգահեռ մաքսային մարմին են ներկայացվում փաստաթղթեր, որոնց հիման վրա լրացվել է մաքսային հայտարարագիրը, այդ թվում՝ ապրանքների հայտարարված մաքսային արժեքը եւ ապրանքների մաքսային արժեքի սահմանման ընտրված մեթոդը հաստատող փաստաթղթերը:

ՍՈՑԻԱԼԱԿԱՆ

ՀԱՐՑ. Ի՞նչ արժույթային ունեն Հայրենական մեծ պատերազմի հազմանդամություն ունեցող անձինք:
Հասմիկ Մուրադյան (69 տարեկան)




ՊԱՏԱՍԽԱՆ. Բնակարանային վարձի, աղբահանության, հեռախոսի վարձերը 50 տոկոս զեղչով վճարելու, պետպատվերի շրջանակում բուժօգնություն ստանալու /այդ թվում՝ դեղորայք/, պորտեզաօրթոպեդիկ եւ վերականգնողական պարագաներ անվճար ստանալու, ԱՊՀ երկրների տարածքում տարին մեկ անգամ արտոնյալ պայմաններով երթեւեկելու:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Հայրենական մեծ պատերազմի վետերանների համար սահմանված արտոնություններից կարող են օգտվել այլ պետություններում մարտական գործողությունների մասնակիցները եւ նախկին խորհրդային բանակում զինվորական պարտականություններ կատարելիս հաշմանդամություն ձեռք բերած անձինք:

ԼՈՒՐ ԿԱԴՐ

Լուսանկարը՝ համացանցից



Իսպանիայում անցկացված բռնցքամարտի աշխարհի երիտասարդական առաջնությունում էրիկ Իսրայելյանը տպավորիչ հաղթանակով նվաճեց չեմպիոնի տիտղոսը: 60 կգ քաշայինների եզրափակիչում 5:0 հաշվով հաղթեց Վրաստանի ներկայացուցիչ Գոհա Գորդուլավային: «Ինձ համար շատ կարեւոր էր այս չեմպիոնությունը: Իրականացրեցի մանկությանս երազանքը: Ինձ շատ պետք էր այս չեմպիոնությունը, շատ ապացուցելու բան կար բոլորին: Հաղթանակս նվիրում եմ պատերազմում զոհված զինվորների մայրերին»:

ԲԱԺՏՆՈՐԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
 «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 29.11.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: